

):(2<sup>r</sup>

---

Dem Hochwürdi-  
gen/ Edlen vnnd Vesten  
Herrn/ Herrn Arnolden von  
Bucholtz/ Thumbprobften zu Hil-  
deßheim/ dafelbften/ wie auch zu  
Münfter vnd Lüttig Thumbherrn/  
Archidiacon zu Eltz vnd Haßban/  
Churf. Cölnifchen geheimen Raht  
vnd oberften Cammerherrn/ 7c.  
meinem gnedigen  
Herrn.

ES haben zu vnfe-  
ren betrübten zeitē/ Hoch-  
würdiger Edler vnd Ve-  
fter Herr/ die Widerfacher Catho-  
lifcher Religion allen fleiß ange-  
wendet/ daß fie nicht allein dem ge-  
meinen Mañ die gute vnuerfälfch-  
te Büchlein/ fo fie etwann hetten/  
durch viel glatte wort/ vnd betrieg-  
lich Gefchwätz auß den Händen  
brächten/ fonder auch allenthalben  
Druckereyen angericht/ auß wel-  
chen jhre neuverdichte meinungen  
):( ij den

):(2<sup>v</sup>

---

Vorrede.

den einfeltigen vnerfahrenen in den  
 Bofem gefteckt werdē mögte. Da-  
 rin fie Affenweiß abſpeculiert/ wie  
 1. Reg. 13. die Philifter vormals das Volck  
 Jſrael verfortheilt haben/ vnnd in  
 groſſe gefahr bracht. Dann gemel-  
 te Philifter hetten verhütet/ daß in  
 gantzem Jſrael kein Eifenſchmidt  
 erfunden würde/ vnnd die Ebræer  
 kein Schwerdt noch Spieß mach-  
 ten/ Darumb dann gantz Jſrael  
 muſt hinab ziehen zu jnen/ wann je-  
 mandt hatte ein Pflugſchar/ Hau-  
 wen oder Axt/ Gabel vnnd Hepen  
 zu ſchârpffen/ vnd die ſchneiden an  
 den Senfen/ Hawen/ Gablen vnd  
 Beyhelen waren abgearbeitet/ vnd  
 die Stacheln ftumpff worden.

Ebenmeffig haben vnſere neue  
 Philifter die Predicanten ſamp jh-  
 rem anhang vermeindt/ fie wolten  
 mit groſſem gefchrey verhüten vnd  
 zu wegen bringen/ in gantzer Chri-  
 ſtenheit/ daß man darfür halten ſol/  
 jhr der Euangelifchen (wie fie ſich  
 felbft

):(3<sup>r</sup>

## Vorrede.

selbst getaufft) Bücher vñnd Lehr/  
als Schwert vñd Spieß/ folten al-  
lein gelten/ dieweil sie new/ vñ dem  
schein nach etwas beffer mit dem  
glantz zierlicher wort außgebußt/  
der Catholischen Wapen aber we-  
ren nu mehr alt/ verroft/ vñ nichts-  
wirdig/ 7c. Damit/ wenn man sie  
als ftumpff vñnd abgefchliffen/ vn-  
geachtet ließ/ inn gantzen abgang  
kommen/ ja mußten zu letzt Lutheri-  
sche/ Caluinische/ oder der gleichen  
Schmidtmeister ansprechen.

Welches zwar bey Saul vñnd  
Jonatha/ das ist/ bey Catholischen  
erfahrenen Predigern vñd andern  
vielen Helden kein noth/ inn deren  
Händen gnugfame Wapen erfun-  
den. Aber bey dem gemeinen Mañ/  
ist es zubeklagen/ daß viel so jäm-  
lich betrogen werden/ vñd sich nütz-  
licher Wapen (mit welchen sie wi-  
der den Feind bestehn köndten) ent-  
blößen lassen/ wegē der jrrigen mei-  
nung/ daß die alte Wapen vñ Bū-

):( iij cher

):(3<sup>v</sup>

## Vorrede.

cher der Catholifchen Lehrern wenig gelten follen/ vnnd aber vnder den neuen nicht wol zu wiffen/ mit welchem sie am leichtesten dem feindt widerstandt thun/ vnd sich genugsam beschützen follen.

Wie auch gleichfals zubeklagen/ daß ein großer hauffen bey vns in Jfrael ist/ der sich für gut Catholifch außgibt/ vnder den Catholifchē lebt/ mit jnen zu Kirchē geht/ 7c. läßt aber keine Hawen/ Axen/ Gabel/ Hepen/ Beyhelen/ Senfen/ 7c. ein jeder nach seinem Handwerck/ kunft vnd stand/ bey den Philiftern schärfffen/ das ist/ lebet also vnder vns/ daß er gleichwol mehr die Wapen des Glaubens oder eiteln meinung bey vnfern Widerfachern zubereiten/ vñ auff gut Lutherifch oder Caluinifch außspitzen thut/ mit lesen jrer Bücher/ anhören jrer predig/ vñ vielleicht auch mit vielen jrer vermeinten Sacramenten/ ja mit sonderm gunft vnd beyfall.

Hierauß

):(4<sup>r</sup>

---

Vorrede.

Hier auß dann erfolgt/ daß wenn man heutiges tags beim Liecht wol muftern würde/ viel mit jren Wapen nit beftehn/ vñ zum Chriftlichen Krieg vntänglich werden müßten.

Daher E. Hochw. E. L vnd herrl. (in deren Händen vñ jugend an die beftehende Wehr vnd Spieß deß wahren Glaubens zu befchützung vnd erweiterung Catholifcher Religion erfundē worden) bey etlichen guten freunden fcharfffiniglich vor difer zeit etliche mal difcurriert von etlichen nützlichen Büchlein/ die man allen liebhabern der Warheit wider vnferre vorgemelte Philifter/ als kräftige/ gewiffe Wapen/ inn jetzt gefehrlichen anlauffen inn die Hand thun möchte/ darauß fie gehertzt einen Standt greiffen/ vnnd dann ferner erkeñen möchten/ daß/ wie der allein feligmachend Catholifch alt Glaub der befte vnd befte digft ift/ alfo was derfelbig weiter erfordert nach allen feinen Pun-

):( iiij cten

):(4<sup>v</sup>

## Vorrede.

cten vnnnd Artickulen/ zu folgen  
 fey/ dieweil es vns Catholifchen  
 fonderlich weder an nützlichen Au-  
 thoren oder Wapen/ noch an Dru-  
 ckereien/ als Schmidt vnnnd Zeug-  
 häußern/ wider aller Philifter wil-  
 len/ manglet.

Gleichfals haben auch E. Hochw.  
 Ed. L. vnnnd Herrl. für gut erkandt  
 (dieweil vnfer Widerfacher fich  
 der Apoftolifchen/ Euangelifchen/  
 vhralten Religion von Chrifto her  
 berühmen/ vnd nicht allein jetz/ fon-  
 der von der Apoftel zeit Ketzereyen  
 gewefen/ ja Ketzereien fein müffen  
 zu bewehrung der Glaubigen) daß  
 zwen alte vnpartheilige Kirchenleh-  
 rer/ als rechte Zeugen vnd befchrei-  
 ber oder abmahler vnfer Philifter/  
 vnnnd jhrer Lehr in vnfer Teutfche  
 Sprach mögten außgerüftet/ vnd  
 fo wol den Catholifchē zu troft/ als  
 den irrenden vnd zweiffelhafftigen  
 zum bericht gedruckt/ in jhre Hand  
 geben werden/ Vnder denen fehr  
 dien-

- 1. Tim. 1.
- 2. Tim. 2.
- 1. Ioan. 2.
- Apoc. 2.
- 1. Cor. 11.

):(5<sup>r</sup>

## Vorrede.

dienlich vnd nützlich ja vnwiderleglich gepriefen der vhralt Lehrer Tertullianus/ in feinem Büchlein de præscriptionibus aduerfus hæreticos, vnd der trefflich vnd herrlich Vincentius Lirinensis aduerfus prophanas omniū hærefeon nouitates. Welchen zweyen beygefetzt werden köndten die Motiff vnd vrfachen Edmundi Campiani, der die Catholifche Lehr vnd Warheit mit vergießung feines Bluts Anno 1581 den 1. Decembr. in Engelland vnwiderfprechlich dargethan. Darauß dann zu fehen/ was die Kirch Gottes bald nach der Apoftel zeit/ bey dem Tertulliano in Africa/ vnd dann vor taufernt jahren in Franckreich durch den H. Vincentium/ von den Ketzern vnd Lehrern jetziger zeit gehalten hab/ vnnd was wir endtlich daruon halten follen.

Demnach ich dann E. Hochw. E. L. vnd Herrl. Chriftliche vnd ey  
 ):( v feri

):(5<sup>v</sup>

## Vorrede.

ferige wolmeinung vernommen/  
habe ich mit gehülff deß hochwürdi-  
gen Herrn/ H. Nicolai Arefdorf-  
fij Episc. Aconensis, vnd Suffrag.  
Monaft als verordnetē approbierer  
der Bücher/ die allhie zu Münfter  
gedruckt werden/ mich bearbeytet/  
vnd gemeldte drey Authorn in teut-  
sche Sprach zu wegen bracht vnnd  
drucken laffen/ verhoffend E. H.  
E. L. vnd Herrl. nicht allein ein vn-  
derthänigen Dienft/ fonder auch je-  
dermenniglichen ein nützlich/ vnd  
vielen ein nothwendig heilfam  
Werck zu erzeigen. Bitt E. H. E.  
L. vnd Herrl. wöll diefe meine gerin-  
ge/ jedoch wolgemeindte Arbeit in  
gnaden auff vnd annehmen. Da-  
tum Münfter den 22. Julij Anno  
1600.

E. H. E. L. vnd Herrl.  
vnderthäniger Diener  
Lambertus Raßfeldt.  
Kurtze